



UNIVERSITÄTS-  
BIBLIOTHEK  
PADERBORN

**Ivsti Baronii Veteracastrensis SS. Th. Et I. V. D.  
III[ustrissi]mo Arch[iepisco]po Moguntino à Consilijs.  
Epistolarvm Sacrarvm Ad Pontificem Max. Et Amplissimos  
Cardinales &c. Libri VI**

**Baronius, Justus**

**Mogvntiae, 1605**

Epistola II. Beatiss[im]o Sanctiss[im]oq[ue] In Christo Patri & D[omi]no,  
Clementi VIII. Pontif. Max. Ivstvs Baronivs Veteracastrensis.

---

[urn:nbn:de:hbz:466:1-70614](https://nbn-resolving.org/urn:nbn:de:hbz:466:1-70614)

## EPISTOLA II.

BEATISS<sup>o</sup> SANCTISS<sup>o</sup>q; IN  
Christo Patri & D<sup>no</sup>, CLEMENTI VIII.  
Pontif. Max.

IVSTVS BARONIVS VETE-  
racastrensis.

A VSVS sum aliqd, *Beatiss<sup>me</sup> PATER*, bona certè voluntate, nescio vtrum pari S<sup>is</sup> T<sup>æ</sup> approbatione. Sed ausus sum, audereque me iussit admirabilis illa tua tot tantisque experimentis mihi cognita humanitas: quam si præsentis quoque causæ accommodaueris, nihil verebor, ne non consilium meum firmum ratumque habiturus sis. Natus est mihi anno abhinc plus minus altero ex vrbe reduci, subitò, quod aiunt, sub manu libellus, *Pseudo Iubileo* Lutheranorum in *Saxonia* oppositus, quem quia nunc typis suis reuocare, meoque sub genuino nomine edere statuebat typographus, ego quoque mihi, quod prius neglexeram, de Patroni clypeo cogitandum esse ducebam: idque tanto magis, quanto plura & venenatiora mihi nunc è tenebris euoluto hostium spicula viderentur pertimescenda. Cum verò huiusmodi *apophoreta* (muneris enim nescio quid & honoris

ris

ris etiam habere creduntur) Mœcenatibus potissimum, id est præclarè meritis studiorum nutritijs consecrari viderem: quos inter S<sup>as</sup> T<sup>a</sup> ita mihi multis ab annis tam principe loco est, quàm est omnium mortalium loco summo constituta, subito apud animum meum decreui, non esse huic lucubrationi alium à te quærendum patronum. Causas exponet libellus ipse sat multas: exponam & ego plures, si quis confertiore ætiologiam desideret. Sed non necesse est vltiorem huic rei operam impendere. Vides ipse, hoc argumentum totum tuæ fuisse & esse personæ, cuius in Sede vt oppugnanda omnes vires hæreticus, ita ego in eadem defendenda omnes ingenij doctrinæque nervos consumo. Ille te *Antichristum* vult, ego Christi Vicarium; ille Pseudopropheta, ego Apostolum: ille tyrannum, ego patrem. Cui pugnae vt plures etiam spectatores colligerem, hac ipsa nominis tui illecebra efficere volui. Neminem enim tam depressæ mentis futurum puto, quem non hæc tam excelsi *Agonothetæ* mentio ad aliquam saltem alacritatem excitatura, & si quidem desperatus, ad maiorem insaniam redactura, sin vero sanabilis, gratia & voluptate maiori perfutura sit. Taceo quod omnis nostra opera, Ecclesiæ restaurandæ locata, opera

<sup>a</sup> Luc. 5. 5. tua est, qui sub signis tuis militamus, <sup>a</sup> ad  
<sup>b</sup> Iohan. 21. 6. *inssum tuum retia eycimus*, nutu tuo <sup>b</sup> fal-  
<sup>c</sup> b Apoc. 14. ces apramus, nec tuo tamen sed Christi nu-  
 6. 15. 16. 17. tu, cuius in te & pastorum colimus, &  
 18. 19. veneramur potestatem. Tibi enim hic vi-

<sup>c</sup> Iohan. 16.

7.

Eph. 4. 8.

Psal. 67. 19.

d Mala. h.

2. 7.

e Deut. 17.

8. 9.

Matth. 18.

17.

<sup>f</sup> Hieron. E-  
 pist. 18. ad  
 Marcell.

<sup>g</sup> Vincent.

Lirinens.

in common.

cap. 23.

<sup>h</sup> Vergil. Ec-

log. 1.

ces suas resignavit, vt quia <sup>c</sup> ipse maioribus  
 bonis cumulandis abiturus erat, te vicari-  
 um haberemus sacerdotem, <sup>d</sup> cuius ex ore  
 legē requireremus, <sup>e</sup> cuius iudicio lites diri-  
 meremus, cuius ductu ab omni fidei nau-  
 fragio tuti immunesque peristeremus. Tu-  
 is igitur vt dixi legibus paremus, tua signa  
 sequimur, tuoque auspiciatissimo nomini  
 omnem nostram operam, quocumque in  
 genere nauatam rectissimè consecramus.  
 Vt si vel priuata illa tua in me merita negli-  
 gerem, causæ tamen affatim suppeteret,  
 quamobrem hanc dedicandi rationem se-  
 qui debuerim. Sed absit vt negligam. Tu  
 mihi <sup>f</sup> Ambrosius, qui tanto sumptu char-  
 tas, pecunias, Notarios & polygrapho illi  
 Origeni suppeditasse scribitur: tu Augustus  
 meus, quem sempiterno cum Poëta carmi-  
 ne canam.

<sup>h</sup> O Melibæe, Deus nobis hac otia fe-  
 cit!

*Namque erit ille mihi semper Deus, il-  
 lius aram,*

*Sape tener nostris ab ouilibus imbuet  
 agnus.*

Ille

*Ille meas errare boues, ut cernis, & ipsum*

*Ludere, quæ vellem, calamo permisit agresti.*

Accipe igitur per Deum Sanct<sup>ime</sup> Pontifex hoc quaecunque grati animi pignus: atque ita quæso accipe, ut te sementis tuæ manipulum ferre putes. Si vberiora desideras, sanè debere me fateor, at posse nego, ubi poterò, metes & tu, <sup>i Plin. p. af. Natu. hist.</sup> *Dysque interea non solum aure, sed & mola salsa litari cogitabis.* Vale. Mogunt. Nonis Februarij. M.DCV.

EPISTOLA III.

ILL<sup>mo</sup> ET REV<sup>mo</sup> D. BERNHARDINO Paulino S<sup>i</sup> D<sup>i</sup> N<sup>i</sup> CLEMENTIS VIII. Pontif. Max. Datario

*IUSTVS BARONIVS VETERA-  
castrensis S.*

**E**N tibi tandem, Ill<sup>me</sup> & Rev<sup>me</sup> Dne, pro tua illa insigni in me beneficentia & comitate dudum debitum destinatumque *ἀντίδωρον*. Quale inquis? Litterarium tenue, rude ac minus perpolitum, quam  
Bb 5 vel